



Broj: UP1:01-50-2-2072-1/23
Sarajevo, 19.05.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Igora Pejića iz Gruda za slobodu pristupa informacijama od 10. 5. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

RJEŠENJE **o slobodi pristupa informacijama**

Igoru Pejiću iz Gruda odobrava se pristup informacijama po zahtjevu od 10. 5. 2023. godine.

O b r a z l o ž e n j e

Igor Pejić iz Gruda obratio se 10. 5. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup informacijama: *o svim pisanim zahtjevima, podnesenim od strane privatnih ili pravnih osoba koji su se odnosili na dostavljanje bilo kakvih informacija i/ili dokumenata vezanih uz Igora Pejića, tajnika Ministarstva komunikacija i prometa Bosne i Hercegovine, počevši od 1. 1. 2019. godine zaključno sa 6. veljače 2023. godine do 17:00 sati. Navedeno podrazumijeva informacije o datumu i vremenu podnošenja zahtjeva za slobodu pristupa informacijama koji je predmetom ovog zahtjeva, ime prezime ili naziv podnositelja, popis traženih informacija, broj i datum rješenja o slobodi pristupa informacijama te popis dokumenata priloženih rješenju/ima o slobodi pristupa informacijama. Kao prilog rješenju o slobodi pristupa informacijama po ovom zahtjevu, tražim dostavljanje fotokopija: svih zahtjeva za slobodu pristupa informacijama s vidljivim otiskom prijemnog štambilja Ministarstva komunikacija i prometa Bosne i Hercegovine, počevši od 1. 1. 2019. godine zaključno sa 6. veljače 2023. godine do 17:00 sati i svih rješenja o slobodi pristupa*

informacijama po navedenom/im zahtjevu/ima; svih dokumenata priloženih uz rješenjima o slobodi pristupa informacijama koja su se odnosila na bilo kakve informacije i dokumente u navedeno razdoblju vezane uz Igora Pejića, tajnika Ministarstva komunikacija i prometa Bosne i Hercegovine.

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku, informira se podnositelj zahtjeva da je Ministarstvo u navedenom periodu, odnosno od 1. 1. 2019. do 6. 2. 2023. godine, zaprimilo tri zahtjeva za slobodu pristupa informacijama u kojim su, između ostalog, dostavljene informaciju koje se tiču i podnositelja zahtjeva Igora Pejića.

Ministarstvo je 11. 2. 2020. godine u 12:48 sati putem e-maila zaprimilo zahtjev za slobodan pristup informacijama od U. G. ZaštoNe? podnositeljice Danire Karović, protokoliran pod brojem UP1: 01-50-2-787/20, u kojem su traženi *putni nalozi za upravljanje službenim vozilima za period od 1. do 31. decembra 2019.* S tim u vezi, Ministarstvo je donijelo Rješenje broj UP1: 01-50-2-787/20 od 17. 2. 2020. godine. U prilogu je dostavljena tabela putnih naloga za upravljanje službenim vozilima Ministarstva za period od 1. 12. do 31. 12. 2019. godine.

Također, Ministarstvo je 9. 6. 2021. godine u 14:56 sati putem e-maila zaprimilo zahtjev za slobodan pristup informacijama od Centra za istraživačko novinarstvo novinarkе Renate Radić-Dragić, protokoliran pod brojem UP1: 01-50-2-2796/21, u kojem su traženi sljedeći podaci *a tiču se službenih putovanja u inozemstvo na koja su išli predstavnici Vaše institucije u 2019., 2020., i prvih pet mjeseci 2021. godine. Za svaki službeni put u inozemstvo, potrebni su nam sljedeći podaci: - Ime, prezime i funkcija osobe koja je upućena na službeno putovanje; - Nalog za službeno putovanje; - Odluka o upućivanju na službeno putovanje; - Odobrenje za službeno putovanje; - Mjesto i država službenog putovanja; - Svrha putovanja; - Period trajanja službenog putovanja; - Koliki su bili troškovi putovanja, od čega su se sastojali i ko je snosio te troškove; - Kolika je bila visina dnevnice za službeno putovanje.*

S tim u vezi, Ministarstvo je donijelo Rješenje broj UP1: 01-50-2-2796/21 od 11. 6. 2021. godine. U prilogu je dostavljena evidencija o realiziranim službenim putovanjima u inostranstvo zaposlenih Ministarstva za 2019., 2020. i 2021. godinu.

Također, Ministarstvu je 15. 9. 2021. godine Generalni sekretarijat Vijeća ministara Bosne i Hercegovine prosljedio na postupanje zahtjev novinarkе portala Faktor.ba Maje Renер Smajović, protokoliran pod brojem UP1: 01-50-2-4505/21, u kojem su tražene sljedeće informacije: *Ko je sve, poimenice, od početka prošle godine do sada u svim ministarstvima na nivou Vijeća ministara (pojedinačno) koristio biznis karticu za reprezentaciju, te pojedinačno ko je, kada tačno, gdje tačno, u kojem objektu, zašto (u koje svrhe) i u kojim iznosima (pojedinačno) imao trošak vezan za reprezentaciju (unutrašnju i vanjsku).*

S tim u vezi, Ministarstvo je donijelo Rješenje broj UP1: 01-50-2-4505/21 od 21. 9. 2021. godine koje nije sadržavalo priloge.

U skladu sa članom 14. stav (2) tačka c) Zakona, odobrava se pristup traženim informacijama. Kako je broj stranica tražene dokumentacije manji od 20, ona se, kao prilog ovog rješenja, u smislu člana 16. Zakona, besplatno dostavlja podnosiocu.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLAŠTENJU MINISTRA
Sanja Skuletić-Malagić

Prilog, fotokopije:

- zahtjev za pristup informacijama broj UP1: 01-50-2-787/20 od 11. 2. 2020. godine;
- Rješenje o slobodi pristupa informacijama broj UP1: 01-50-2-787/20 od 17. 2. 2020. godine;
- zahtjev za pristup informacijama broj UP1: 01-50-2-2796/21 od 9. 6. 2021. godine;
- Rješenje o slobodi pristupa informacijama broj UP1: 01-50-2-2796/21 od 11. 6. 2021. godine;
- zahtjev za pristup informacijama broj UP1: 01-50-2-4505/21 od 15. 9. 2021. godine;
- Rješenje o slobodi pristupa informacijama broj UP1: 01-50-2-4505/21 od 21. 9. 2021. godine.

Dostavljeno:

- Igor Pejić, Pejića Draga 10, 88945 Sovići, Grude;
- spis predmeta;
- a/a.